

„Dnevni avaz“ saznaće Pet godina nakon prvostepene presude

Zenički sud po treći put razmatra mogućnost novog suđenja zbog udesa „Bucinog“ autobusa!?

Novi nalazi saobraćajnih stručnjaka idu u prilog osuđenom direktoru Vehidu Džananoviću

Vlasnik i direktor Autoprevozničke kompanije „Buco“ iz Viteza Vehid Buco Džananović mogao bi se ponovno naći u klupama Kantonalnog suda u Zenici, pet godina nakon što ga je prvostepeni sud osudio, a nepune četiri godine nakon što je pravosnažno osuđen na četiri godine i šest mjeseci zatvora zbog odgovornosti za nesreću u kojoj su smrtno stradale 44 osobe, a povrijeđeno 11 lica, uglavnom iz Zenice.

Uložena žalba

Nesreća se desila 13. maja 2000. godine u Zlom briješu kod Kakanja, kada se autobus sa hodočasnicima koji su krenuli na mevlud u Bunu kod Blagaja survao s mosta u rijeku Bosnu.


Kako saznajemo, nakon što je



Džananović: Novo suđenje?

Kantonalni sud Zenica odbio zahtjev za obnavljanje suđenja, branilac optuženog Džananovića advokat Almin Dautbegović uložio je žalbu Vrhovnom судu FBiH, koji je poništio odluku Suda te, po drugi put, zatražio da Kantonalni sud Zenica ponovno razmatra Dautbegovićev zahtjev za novim suđenjem.

Također, Vrhovni sud je odlučio da, prije nego što razmotri



Autobus poslije izvlačenja iz vode

Dautbegovićev zahtjev za zaštitu zakonitosti, pričeka rješenje molbe za obnovu postupka, koju će, po treći put, razmatrati Kantonalni sud.

Novi dokazi


Nakon što se u više navrata sumnjalo u neke navode vještacanja, koje je, na kraju, Sud prihvatio, osudivši Džananovića na četiri i po te šefa održavanja

Osudeni nije u zatvoru

Kantonalni sud u Zenici, pod predsjedavanjem sudije Vlade Adamovića, donio je presudu 20. oktobra 2000. godine. Presudu je potvrdio Vrhovni sud Federacije BiH 14. novembra 2001. godine.

Džananović nije na izdržavanju kazne, pošto je njegov advokat uspio dobiti odgodu dok se ne okonča pravna „sapunica“ u vezi s ovim slučajem.

mehanizacije firme Enesa Čanuna osam godina zatvora, Džananović je nanovo angažirao struč-



Dautbegović: Prihvaćena žalba

njake, i to tri doktora nauka s Instituta Saobraćajnog fakulteta u Beogradu.

- Nalazi Instituta i vještacjenje koje je provedeno su novi dokaz koji znatno ide u prilog kao oslobađajući za mog klijenta. Nalazi su bitno različiti u odnosu na prvobitna vještacanja. Uglavnom se odnose na očiglednost da je rupa na dijelu kolovoza naknadno popravljena te da do pucanja dijela vijka na autobusu ne bi došlo na tom mjestu da nije bilo oštećenja na putu - kaže za naš list Dautbegović.

A.T.